



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 30. Zakona o izvršavanju Budžeta Unsko -sanskog kantona („Službeni glasnik Unsko-sanskog kantona“ broj: 5/22), na prijedlog Kantonalne uprave civilne zaštite, Vlada Unsko-sanskog kantona na održanoj sjednici dana 07.06.2022. godine, donosi

O D L U K U

o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite

Član 1.

(Predmet)

Ovom Odlukom utvrđuju se korisnici sredstava, nosilac budžetskih sredstava, namjena sredstava, kriteriji za dodjelu, te postupak dodjele sredstava odobrenih u Budžetu Unsko-sanskog kantona na ime Grantovi/transferi drugim nivoima vlasti.

Član 2.

(Korisnici sredstava)

Korisnici sredstava po ovoj Odluci su gradovi i općine na području Unsko-sanskog kantona.

Član 3.

(Nosilac budžetskih sredstava)

Nosilac budžetskih sredstava u Budžetu koji planira finansiranje iz člana 2. Odluke je Kantonalna uprava civilne zaštite (u daljnjem tekstu: Uprava).

Član 4.

(Namjena sredstava)

Sredstva iz člana 1. ove Odluke dodjeljuju se gradovima i općinama Unsko-sanskog kantona za projekte iz oblasti zaštite i spašavanja od prirodnih i drugih nesreća u skladu s članom 183. stav (3) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06, 43/10) i tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj: 4/12, 80/13, 20/20).

Član 5.

(Kriteriji za dodjelu sredstava)

Za dodjelu sredstava gradu/općini primjenjuju se sljedeći kriteriji:

- a) cilj projekta je provođenje preventivnih mjera za zaštitu od prirodnih i drugih nesreća,
- b) u budžetu grada/općine planirana sredstva za provođenje preventivnih mjera zaštite i spašavanja od prirodnih i drugih nesreća,

- c) da su u programu razvoja zaštite i spašavanja ljudi i materijalnih dobara od prirodnih i drugih nesreća i planu zaštite i spašavanja grada/općine utvrđene preventivne mjere zaštite i spašavanja od prirodnih i drugih nesreća,
- d) da su godišnjim planom korištenja sredstava posebne naknade za zaštitu od prirodnih i drugih nesreća grada/općine planirana sredstva za provođenje navedenih preventivnih mjera zaštite i spašavanja.

Član 6.

(Postupak dodjele sredstava)

Sredstva iz člana 1. ove Odluke se dodjeljuju na osnovu projektnog prijedloga koji grad/općina podnosi Upravi.

Projektni prijedlog treba da sadrži:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta),
- b) naziv projekta,
- c) opis projekta,
- d) ukupan budžet projekta i izvore finansiranja,
- e) očekivane rezultate,
- f) projektne aktivnosti po fazama i vremenski okvir,
- g) učesnici u realizaciji projekta,
- h) detalje o sufinansiranju,
- i) instrukcije za uplatu sredstava.

U prilogu projektnog prijedloga gradovi/općine dužne su dostaviti original ili ovjerenu kopiju:


- a) akta nadležnog organa grada/općine o usvajanju programa razvoja zaštite i spašavanja ljudi i materijalnih dobara od prirodnih i drugih nesreća,
- b) akta nadležnog organa grada/općine o usvajanju plana zaštite i spašavanja od prirodnih i drugih nesreća,
- c) akta nadležnog organa grada/općine o korištenju sredstava posebne naknade za zaštitu od prirodnih i drugih nesreća za provođenje navedenih preventivnih mjera zaštite i spašavanja,
- d) akta nadležnog organa grada/općine o korištenju budžetskih sredstava grada/općine za provođenje navedenih preventivnih mjera zaštite i spašavanja,
- e) godišnjeg plana korištenja sredstava posebne naknade za zaštitu od prirodnih i drugih nesreća.

O dodjeli sredstava po osnovu projektnog prijedloga odlučuje Vlada Unsko – sanskog kantona, te se ista realizuju prema programu utroška sredstava koji donosi Vlada Kantona na prijedlog Uprave.

Član 7.

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-4651/2022
Bihać, 07.06.2022. godine



PREMIJER KANTONA
mr.scij. Mustafa Ružnić